



Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid menunjukkan aplikasi "Price Catcher" bagi membandingkan harga keperluan ketika ditemui pada majlis Pelancaran Skim Harga Maksimum Musim Perayaan (SHMMP) Hari Raya Aidilfitri 2020 peringkat Terengganu di sebuah pasaraya hari ini – fotoBERNAMA 2020 HAK CIPTA TERPELIHARA

Pengguna disaran guna 'Price Catcher' bandingkan harga barangan keperluan

21/05/2020 06:54 PM

KUALA BERANG, 21 Mei -- Kementerian Perdagangan Dalam Negeri dan Hal Ehwal Pengguna (KPDNHEP) menyarankan para pengguna memanfaatkan aplikasi 'Price Catcher', bagi membandingkan harga barangan keperluan, terutama pada musim perayaan ini.

Timbalan Menteri, Datuk Rosol Wahid berkata, aplikasi itu membolehkan pengguna mengakses maklumat harga lebih 400 barangan keperluan di pasar awam, pasar raya dan kedai runcit yang terpilih di seluruh Malaysia.

Kesemua harga barangan dimasukkan dan dikemas kini ke dalam aplikasi itu oleh 1,100 pegawai pemantau harga KPDNHEP di seluruh negara secara harian, mingguan dan bulanan.

“Aplikasi ini memudahkan dan menjimatkan masa pengguna dan mereka boleh merancang perbelanjaan dengan memilih premis yang menawarkan harga yang berpatutan.



Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid (kiri) meninjau harga ayam yang dijual pada Pelancaran Skim Harga Maksimum Musim Perayaan (SHMMP) Hari Raya Aidilfitri 2020 peringkat Terengganu di sebuah pasaraya hari ini – fotoBERNAMA 2020 HAK CIPTA TERPELIHARA

“Ia juga dapat mendorong para peniaga menjadi lebih beretika dan meletakkan harga yang munasabah,” katanya kepada pemberita selepas melancarkan Skim Harga Maksimum Musim Perayaan Hari Raya Aidilfitri 2020 bagi negeri Terengganu di sini, hari ini.

Dalam pada itu Rosol mengakui masih terdapat sebilangan besar pengguna di negara ini tidak menyedari kewujudan aplikasi ‘Price Catcher’ walaupun ia telah dibangunkan oleh KPDNHEP sejak 2018.

Terdahulu, Rosol mengumumkan sebanyak 10 jenis barangan yang telah ditentukan harga maksimum yang perlu dipatuhi peniaga sepanjang pelaksanaan Skim Harga Maksimum Musim Perayaan Hari Raya Aidilfitri 2020 bagi Terengganu, yang akan bermula 20 Mei sehingga 30 Jun ini.

Antara harga barangan yang dikawal harga ialah ayam standard, telur ayam, daging lembu tempatan dan kelapa parut.-- BERNAMA

<https://www.bernama.com/bm/am/news.php?id=1843988>

<https://www.bernama.com/en/general/news.php?id=1843999> (Edisi english)